


淮海後集

終 一之六



長短句 詩 雜文 詩餘

以新渡唐本寫補之



東 京 圖 書 館			
漢書門	文章類	三架	二九〇號
冊	函	架	號

漢書門			
六〇九九	函	架	冊
五	號	架	冊

內閣文庫			
番號	漢	6099	
冊數	(	5	)
函號	315	75	





淮海後集卷第一詩

秦觀少游

淺草文庫

進南郊慶成詩并表



郊仍復祖宗故事以皇地祇合祭前期之日陰雲蔽空


將祀之夕月纏畢宿詩云月離于畢俾滂沱矣於法當

雨而是夜開霽特甚晏溫星月照明禮畢之明日雨雪

乃作朝市郊野相告欣然頌嘆之聲形于中外非二聖

有作上當天心神祇顧享何以逮此臣雖疎賤通籍祕

省預見熙事不勝犬馬區區之情輒將輿人之頌撰成





郊禮慶成五言二十韻詩一首隨狀上進于冒宸嚴臣  
無任瞻天望聖激切屏營之至

於赫龍飛後中區八月秋合嚴天地祀遠繼祖宗休熙  
事將興舉彝章預講誼紛然曲臺議斷自太任謀宗伯  
方承命元龜遂告猷三錢封內帑五瑞輯諸侯路寢前  
齋玉清宮復射牛長迎南至日圓即自然丘扈蹕三千  
劍干霄十二樓鈞陳嚴御座太一奉宸遊好雨虛聞畢  
生陽不待鄒浮雲依斗散華月亘天流霄被黃裊却霜  
空曲蓋以堪輿同顧饗河嶽盡懷柔麾日初鳴伏旂風  
不滿疏回鑿龍入取傳詔鶴為郵崇慶天雖老華胥聖

不憂衣冠于玉簡宇宙一金甌可但豐年屢當知世德  
求慙無班馬手作頌配商周

幽眠

幽眠起常晚冬晷復不長中間數十刻倏如鷲燕翔晨  
食粗云畢申鼓鳴相望忽忽竟何就念之動中腸天地  
一逆旅死生猶轉商暫來旋云去  
何補徒然非慨慷不如聽兩行一槩付酒觴北風吹老  
槐白日轉絃窓布衾一覺睡身世成渺茫宿莽冬不衰  
蘭茝幽更芳無庸傷局促速此鬢髮霜

越王



越王念吳役寢興常不安有臣曰種蠡實與同艱艱終  
酬會稽恥列國不敢干智者見未兆愚夫暗前觀范公  
拂衣去扁舟五湖間清輝照四海秋月耿雲端種也竟  
不悟處之若無難蜀鏤一朝至身與名俱殘兔走獵狗  
悲鳥盡良弓閑自古身不退多為世所歎

### 隕星石

蕭然古丘上有石傳隕星胡為霄漢間墜地成此精雖  
有堅白姿塊然誰汝靈犬眠牛礪角終日蒙羶腥疇昔  
同列者到今司賞刑森然事芒角次第羅空青俛仰一  
氣中萬化無常經安知風雲會不復歸青冥

### 山陽阻淺

一日行一尺十日行一丈豈不歎淹留所幸無波浪悲  
風動深夜原野眇林爽青天行蟾蜍枯水轉咽咽此時  
蓬茅下去心劇於瘖棄置勿復論通塞如反掌

### 次韻參寥葦花

迅風薄高林萬象號虎豹紛披枳與棘不復鼓狂飈我  
垣旣已頽我棟又以撓豈無一木枝橫力難與較黎明  
忽自罷晴日射魚鱗死水失狂瀾襄木回故貌勞生真  
一作夢事往趨如睡覺炊黍焚黃鶉吾其理歸掉

### 送洪景之循州參軍



寒梅不自重，飄花桃李先。矯枉有佳菊，寂後家芳妍。各  
因一時美，難以相嗤憐。物理固若是，士林亦宜然。夫子  
南國俊聲猷，推妙年數奇。晚方偶參軍，古龍川龍川。雖  
云遠風物，瑰隋鮮羅浮。不相下頽頽，嶮荒天雲鬢。二三  
子聊足奉周旋，行矣試老拳。歸歟遠翔騫。

茶

茶實嘉木，英其香乃天育。芳不愧杜蘅，清堪拚椒菊。上  
客集堂，蔡圓月探奩。盡玉鼎注漫流，金碾響文竹。侵尋  
發美鬣，猗犯生乳粟。經時不銷歇，衣袂帶紛郁。幸蒙巾  
笥藏，苦厭龍蘭續。願君斥異類，使我全芬馥。

茶臼

幽人躬茗飲，剽水事擣撞。巧制合形雅，音伴杓控靈。  
室困亭午松，然明鼎窻呼。双砵圓月搔首聞，錚鏦茶仙  
賴君得睡魔，資尔降所宜。玉兔擣不必力士扛，願借黃  
金碾自比白玉缸。彼美制作妙，俗物難與雙。

石魚

佛宮琢琳瑯，懸魚警群聰。緩扣集方袍，拊趨百工雖  
無筭虞。自協徵與宮，犖然當人心。邈有炎氏風，山泉  
自疏數。珮玉相玲瓏，朝昏聞鍾鼓。清響傳無窮，惟有寶  
甌山於音，獲圓通一聞如得解。石犖亦投弓。



劉公幹

鄴中多賢豪公幹氣飄逸弱歲頗徊徨飄零低金室君  
王事邀宴下馬列琴瑟豪吹挾哀彈娛歡非一日當年  
侍賚酬珠玉在揮筆五字一何工妙絕冠儔匹所得雖  
經寄未得徧人失

贈醫者鄒放

百工皆聖作惟醫有書傳緒餘起人死妙處實通天鄒  
子本淮海弱齡加討研岐扁逢卷中遂知百病先往歲  
遊京室公侯紛薦延國工不敢妬遣兒求執鞭晚棄本  
川役青衫鬢蕭然臨衢開大肆旁午送金錢嗣子頗不

凡文場早周旋行期拾青紫善積神所憐

贈張潛道

張生何為者落魄不自拘獨携三尺琴笑別妻與孀一  
來泊吾里忽已月再虛朝遊故人館暮止佛子廬雖無  
食羹餘所樂常晏如我欲有所進生聞勿煩紆君子閑  
有道不專塊然居無道祗深適鳴戲亦已愚願生脫塵  
鞅從我滄海隅

荷花

方塘水雨脚落日半遙岑芙蓉淨娟娟麗服撫翠衾無  
言意自遠欲渡秋水深緬懷平生人對此詎可尋弄芳



惜晚晚酒至誰與斟天涯有歸雲聊寄相思心心開獲  
清賞芙蓉一柯綺美人艷新粧歛袂照秋水端如傷子  
妻顧自良家子黃金選燕趙搖落對江沚薄暮風雨來  
獨五淚如洗望君君詎知傾官定誰似

酬曾逢原參寥上人見寄山陽作

倦客當老秋於忽少佳意孰云塵滓地劉阮肯俱至一  
披清骨毛再見失身世有如執盛熱憐月濯涼吹又如  
觀巨擘却覩蕭葦細十辰同遨遊不覺日車逝嗟予逃  
空虛終日面林翳聞人足音喜況乃道所契方念衣袖  
分明月忽我昇眷言何以酬白髮同所詣

吳興道中

繩僂華門下十年守一方胡為鄉舟者挽我置此傍青  
山不肯盡流水故意長雖云道理遠瓦樽有酒漿

無題二首

其一

君子有常度所運能自如不與死生變豈為憂患渝西  
伯曰演易馬遷罪成書性剛趣和樂淺淺非丈夫

其二

世事如浮雲飄忽不相待剎然化蒼狗俄頃成章蓋遠  
觀聽兩行昧者乃多態舍旃勿重陸百年等銷壞



喜雨得城字

陰陽有常職代御不可并一氣或錯繆怨伏相寇兵惟  
時四月交南國厭久晴風師挾帝令呼號肆徂征雲師  
畏推逐蓄意不敢爭雨師曠厥官所苟朝夕生黃塵暗  
如霧掩彼日月明帝眷一昔回旱議沮莫行蕃然雲膏  
澤夜半來雨聲黎明縱遐眺溝澮各已盈青蕪散廣畝  
白水涵孤城耕夫欣有託水鳥飛且鳴乃知化工妙悠  
然信難名行矣耘我穡歲終貯坵京

東城被盜得世字

野人無機心觸事少防衛所至輒酣寢屢墮穿窬計孤  
亭夜深墨風死雨初霽有盜穴壁來攘取逮衾袂微思  
不敵怒弱勿鼓虛銳起搏且復呼可否誰量勢誰云月  
室闕函文莫相繼兩奴眠牖旁矯首但睥睨棄之倚柱  
休盜亦從此逝慚無牛缺賢幸脫燕人斃亡弓豈復求  
失焉不必涕黎明成感歎事往若異世良賈號深藏無  
閱補善閉君子勿我誇得喪求無際

夢伯收文公

昨夜夢故人心願少歡趣自棄有司却言歸山路君  
王下明詔群英翕爭赴焦鵬共揮翮跋釐亦騁步擾  
天地間飛鳥不知數何意獨蕭條命與時相并空復蔽



馬牛不為匠人顧昔為土中花行待東風煦今為簷下  
草遠矣霜秋露老母鬢成絲寒妻被無絮歲莫多嚴風  
締絡將烏度覺來不復見撫枕淚如注安得萬頃波活  
此舟中鮒

送佛印

抱包初捨蔚頭藍江月松風處參他日惠林為上首  
幾年彌勒作同龕真珠撒帳開新座飛鳥啣花繞舊庵  
雲散虎溪蓮社友獨依香火思何堪

次韻公闢會流觴亭

偷引湖光一派飛泳觴還却似當時吳歌送酒隨流急  
越艷浮花轉曲池山廟早因前守徹冰盤元是故工遺  
年年禊飲今非昔不到蘭亭到北池

次韻公闢會蓬萊閣

林聲撼撼動秋風共蹊丹梯上卧龍路隔西陵三兩水  
門臨南鎮一子峯湖吞碧落詩爭發塔湧青冥畫幾重  
非是登高能賦客可憐猿鶴自相容

送羅正之兩浙提刑

豈為鱸魚憶故丘東南昏墊賴良謀一封暮別雲間閣  
三組秋歸海上洲子政暫為都水使千秋終作富民侯  
贈君一語君應笑競注江河本不流



淮海後集卷第一

淮海後集卷第三 詩

秦觀少游

秋夜病起懷端叔作詩寄之

寢瘳當老秋入夜庭軒空天光脆如洗月色清無縫風  
颼戾戾輕露氣霏霏重簷花伴徐步籠燭窺孤諷緬惟  
情所新佳辰誰與共夫子淮海英材大難為用東心既  
絕俗發語自驚衆塵尾拒球琳筆端攢螭螭雄深迫揚  
馬妙麗該沈宋浮沉朝野魚鳥狎鯤搏鳳與時真楚越  
於我實伯仲尔來居邑鄰頗復書札貢上憑鴻鴈傳下  
託鯉魚送二物或疑時已辱移文訟人生無根柢泛若



凌波葑味者復汲汲晨暝趨一閤陰持含沙毒射影期  
必中 匿嫫母容對客施錦幪溘然一朝逝萬事俱成  
夢形骸猶改辭利勢猶君 思之可太息復之為長慟  
所以古達人脫身事高縱我生尤不敏卑腹常空洞彊  
顏入規模垂耳受羈韉行謀買竿棧名理就折衷但恐  
狂接輿煩君更嘲弄

送孫誠之尉北海

吾卿如覆盂地掾揚楚眷環以萬頃湖粘天四無壁瓌  
挺戲神珠正畫飛霹靂草木無異姿靈氣殊鬱積所以  
生群材若抱荆山璧小為百夫防大為萬人敵夫子少

邁倫喑鳴阻金石奏賦明光宮玉座瞻咫尺翻身墮雲  
霄十載迫窮厄焚舟更一戰得尉滄海北五月乘畫船  
蕭鼓事遠適天橫齊山青雨帶楚水黑勿云晚方仕四  
十乃古昔勿云名位卑九万自此擊幽求尉朝邑鬢髮  
森已白元振尉通泉律令非所即一朝會風雲顧眄立  
四極行矣壯舊圖勉逸

文闕

抱甕

捐捐抱甕人忙呼治其內仲尼為所輕子貢無以對捨  
器欲還樸為量固已隘苟得渾沌真寧差事機械

讀列子



咄咄兩小兒多言空爾為後之日無定不覺心有期尺  
桂探蒼溟俱令傍者嗤誰謂不能决孔丘乃真知

和顯之長老

禪子觀因緣寸晷無復餘講人治經論艾夜猶未除冷  
風奏哀松寒月挂碧虛此意了不諭悲哉同驛如

清夜

子夜天無雲稀星耿頑碧茫茫行役者對此焉不息胡  
為蝸角端相與競尋尺勸君歸去來飛空鳥無跡

南池

沉沉池中鳧上下與水俱不與水爭力所以全其軀遇

物貴含垢修身戒明汚胡能若雲月浪自驚群愚

和平定國

崢嶸歲月袒物色芥於邑歡言公子至坐失百憂集宵  
箔蕙煙橫寒炮玉脂泣勉旃决南園荷華行滿隰

宿金山

山南山北江水流半空金碧隨雲浮我來仍值風日好  
十月未寒如曉秋山僧引客尋蒼翠歷卷參差到平地  
萬里風來拂骨清却憶人間如夢寐夜深無風月入扉  
相對老人如槁枝流水與天爭入海共笑此心誰得知  
下山却向中壘望番憶當時在屏幃老母思兒且欲歸



回首雲峯已天上

別賈耘老

若有人兮雪之濱服火齊兮冠切雲有才不為世所掄  
盡入詩句為奇新忘歸繁弱不浪陣發必中的疑有神  
目開飛鳥縉蒼鱗俛仰自娛忘賤貧繫我與君素參辰  
孰為一見同天倫共指飛光易沉淪莫若痛飲還我真  
況有內子賢文君終日叶呼不怒嗔酒酣往往出前珍  
瓦甌竹筋羞青芹左列文史右紅裙樽前不覺徂清晨  
念我行當西道秦擘舟來別非所欣欲託毫素通殷勤  
郢匠旁瞻難揮斤人生百齡同臂伸斷梗流萍暫相親

行行飲酒且勿云丈夫萬里猶比鄰

李端叔見寄次韻

君文豪膽無與儔使我吟諷忘離憂浩如沅湘起陽侯  
翻星轉日吞數州華章藻句饒風力頃刻朱紅迷吟域  
一斑縱復為管窺萬派終難以蠡測區區文墨倦高情  
解鞅還游恍惚庭半槽新水六尺筆卧視雲物行空青  
伊我籃輿抵京縣溽暑黃埃負初願君家只在御城東  
彌月不能三兩見求仙未若醉中真蟻鬪蛾飛愁殺人  
清都夢斷理歸棹回首一樹瓊枝新歸來草木春風換  
世事蠟毛那可算幸謝故人頻寄書莫笑元郎自呼漫



陳令舉妙奴詩

西湖水滑多嬌嬈妙奴十二正芬芳肌膚暫白髮脚長  
含語未發先有香溪上夜燕侍簪裳皎如華月墮滄浪  
音聲入雲能斷腸不許北客辭酒漿主人藹々邦之良  
少年射策謁未央俊詞偉氣森開張玉杓貫中生怒芒  
天欲丈來老更昌故使歛翮窺群翔五十僅補尚書郎  
浩歌騎牛倚倡佯東風戲雨花草狂二溪泱泱青黛光  
妙奴勿倦佑羽觴主人正欲游醉鄉

自警

古人去後音容寂何處茫茫尋舊迹君看草遍北邙山

駱駝猶在丘壘積那堪此地日黃昏長途萬里傷行客  
只知恩愛勤傷情豈悟區々頭已白莫嫌天地少含弘  
自是人心多褊窄爭名競利走如狂復被利名生怨隙  
貪聲戀色鎖如癡終被聲色迷阡陌休言七十古稀有  
最苦如今難半百聞道蓬宮仙子閑紅塵不染無瑕謫  
日月遲遲異短明三峯秀麗皆仙格女蘿覆石蔓黃花  
芝草琅玕知幾尺桃源長占四時春漾々華池真水碧  
乘槎擬欲扣金扁巨浪紅波依舊隔歸來芳舍與誰倚  
老鶴松間三四隻喚天聲動彩雲飛對我時々振長翮  
駉鸞未遇且悠悠盡日琴書還有適紛華任使投吾前



爭奈此心終匪石拜命懷金誰謂榮低頭未免捨言責  
從茲俗態兩相忘笑指青山歸路僻同人有志覓長生  
運氣休糧徒有益須知下手向無為莫學迷徒賴針灸

陪李公擇觀金地佛牙

薄伽梵相含空虛化人分段同凡與尔未示滅二千歲  
真骨萬里傳中區錢塘右尼號法照得自禁掖藏金鋪  
欲因此勝高構閣假設象似開群愚偶從好事至雪上  
持出瞻玩相歡娛靈牙寶色玉不如上有無數光明珠  
莊嚴一一出御帑蜿蜒繡袋榮碑礫是時賓客盡上士  
回向已登十地初殷勤誦讚出軟語坐人顧眴驚俗丐

因悲人生信如夢浪逐聲勢霜鬢鬢一際清淨誰復無  
枉入諸趨更崎嶇願因今日詣真際古松白日常蕭疎  
乃知金山妙難測餘潤普及雷凡拈况復老尼亦才辯  
朱流碧瓦非難圖行者岵嶢倚青嶂翁媪頌說傾三吳

毫

雪浪石

漢庭卿士如雲屯結綬彈冠朝至尊登高履危足在外  
神色不變惟伯昏金華掉頭不肯任乞身欲老江南村  
天恩許兼兩學士將兵百萬守北門居士彊名曰天元  
寤寐山水傍心魂高齋引泉注奇石迅若飛浪來雲根  
朔南修好八十載兵法雖妙何足論夜闌番漢人馬靜



相見雉堞低金盆報罷五更人吏散生調一氣白元存

和蔡天啓贈文潛之什

蔡侯飽學困子釜濯足清江起南土劇談頗似蒸客豪  
快奪茫睢如墜雨東城橋未足論栢直何為口方乳  
蔣侯山中伴香火三年不厭長蔬苦平生瑰瑋有誰同  
要得張侯三日語盡閑邴自運甓忙時清不用聞鷄舞  
担榮歡喜見車馬書冊辛勤立門戶要當食肉似班超  
猛虎何嘗窺案俎

早春

黃金軟柳蒲垂楊尚有春寒到畫堂酒力漸銷歌扇怯

入簾飛雪帶梅香

赴杭州至汴上作

俯仰觚稜十載間扁舟江海得身閑平生孤負僧牀睡  
唯擬如今處還

無題

掃地燒香閉閣眠簾紋如水帳如煙客來夢覺知何處  
挂起西窗浪接天

蘇子瞻記江南所題詩本不全余嘗見之記其五

絕今以補子瞻之遺

東坡詩并三絕見正集第十卷擬織錦詩注下

其一



紅窓小泣低聲怨  
永夕春風斗帳空  
中酒落花飛絮亂  
曉鶯啼破夢忽忽

其二

晞草露如郎倖薄  
亂花飛似妾情多  
歸鴻見處彈珠淚  
語鶯聞時歛翠蛾

其三

琴絃斷續愁兼恨  
嶺水分流西復東  
深院小扉紅日落  
繡牕雨倚更誰同

其四

參橫霽色天沉水  
鳥宿寒枝竹瑣煙  
衾惹舊香清夜半

淚凝殘燭畫堂前

其五

寒信霜風似葉黃  
冷燈殘月照空牀  
看君記憶傳文錦  
字字愁縈惹斷腸

淮海後集卷第二



淮海後集卷第E

詩

秦山觀國少游

次韻孔彥常舍人曝書

上帝圖書府傳觀詔特容嘉賓蒼佩玉盛饌紫馳峯散  
帙牙籤亂開函錦襲重君羹如可請願備北堂供

次韻莘老

妙齡隨計日紺髮度關年較藝先豪俊飛聲動眇綿祕  
書窺甲乙密室詣溫宣已叶半千蓮仍親五尺天御香  
春晚炷宮蠟夜深燃漢殿螭頭筆岐藩幕下蓮孔鸞人  
共貴蘭蕙世皆憐附尾方瞳若提刀獨嚮然皂囊封細



札青簡續遺編壁府深難造龍媒雋莫先大農參奏計  
宗伯與興賢王鉉行真即金甌忽浪傳兩輪苔上駕百  
丈剡中牽荏苒馮唐老淹回賈傳還星霜俄九授金竹  
遽三遷歎吹吳雲外旌旌楚水壩經綸殊未倦憂患復  
相連惡草空搖毒群蝟謾污涎松筠終不易雨露竟無  
偏樵悴午株橘荒涼二頃田幾書借船怕屢廣絕交篇  
禪譽推龐蘊親評主閔騫懶因閑處極樂向靜中全歲  
月黃塵裏鶯花白髮前冰臺清照底玉海湛無邊身世  
尤飛隼功名眇蛻蟬蕉心難固待楮葉謾勞鑄仔續清  
都夢還隨濁世緣泉虬淹已久風翻去應便預想朝元

處簪裾立萬仙

送陳太初道錄

先生簪紱後世系本綿瓜駐馬生枯骨回車濟病虵帶  
雲眠酒市和月醉漁家落日千山路西風一枕霞幾年  
流俗笑一旦五侯誇碁惜春深日琴憎雨後蛙替因書  
字曲髮為注經華地轉東淮水天回北斗車新官黃道  
近舊隱白雲遐顧我身多累逢君意謾誇空提方士劍  
未上客星槎何日同歸去重飛九轉砂

贈蘇子瞻

嘆息蘇子瞻聲名絕後先衣冠傳盛事兄弟固多賢感



慨詩三百流離路八千  
真心羞媚竈忠力欲回天  
縲紲終非罪江湖祇自憐  
饑寒常併日疾病更連年  
明主無終棄西州稍內遷  
奏言深意苦感涕人傳前  
席須宣室非熊起渭川  
君臣悅相遇願上角招篇

次韻安州晚行寄傅師

投暮安州北蒼煙亂眼昏  
茅茨人外路砧杵月邊村  
野水飛雲薄空林噪雀繁  
幾人堪此樂逢客莫輕論

題五柳亭

結名御依流水新題五柳亭  
登臨有遺味攀折不勝情  
隔岸閭閻鼓遠軒舟舫橫

觀寶林塔張燈次胡瑗韻

飛來峯上塔然密奉慈觀  
玄照三豕分輝七寶攔勢  
擎金界迥影蘸玉奩寒  
次第邊烽舉高低祭燭攢  
虹旌排陣堞火傘御靈宮  
魏乘珠千顆隋帆錦萬端  
華敷連藏海光集匝宮壇  
罔罔連青昊熒熒逼翠巒  
月卿秋思星將夜濡翰繼  
聽鈞天奏尤知屬和難

還自湯泉十四韻

歲晚倦城郭聯驂度業  
救天黃雲脚亂村黑鳥  
翎訛潦水侵生路暗天  
落慢城澄江練不卷温  
井鑑新磨漁火分星遠  
沙鷗散點少霸祠題玉  
筋龍窟受金波琬琰存



吳事兒童記楚歌孤龕瘦居士雙塔盛頭陀飛鼠鳴深  
穴胡蜂結巧窠晚參圓白足昏梵禮青螺 馭沉荒梵  
仙春沒淺莎杖藜從莫逆談笑入無何滌澹日連霧蕭  
騷風轉阿華清俄夢斷回首失煙蘿

辨才法師嘗以詩見寄繼聞示寂追次其韻

遙聞隻履去脩然詩翰纔收數月前江海盡頭人滅度  
亂山深處塔孤圓憶登夜閣天連鴈同看秋崖月破煙  
尚有衆生未成佛肯超欲界入諸禪

次韻公闢別宅月夜偶成

其一

新秋過雨月如霜緩足蓬萊徹上方翠木玲瓏藏寶界  
白煙濃淡鎖華堂書名越艷誰興發角動單于自感傷  
山似卧龍天似水却疑身在海中央

其二

驟曉千重雨後涼月含秋色上東方風催絡紆歸金井  
月轉檀欒陰盡堂游目騁懷佳興發感時撫事壯心傷  
歸來枕簟清無夢卧看明星到未央

次韻公闢即席呈太虛

與君鄰並共煙霞乘興時時過我家更漏一新聞曉角  
門闌數級看秋花湖山對值全如買風月相期不用賒



賴有醉毫吟更苦他年分作句圖誇

次韻公闢將受代書蓬萊閣

城連湖岸水為關且暮樵風自往還龜負寶林新佛地  
龍蟠使宅老仙山平生仕宦今何得終日登臨獨未閑  
歲滿徘徊難遽別就中瀟灑異人間

次韻公闢聞角有感

一聽胡笳動越吟聲地底氣逾深千官月色單于曲  
萬里天光魏闕心秉燭何人猶把盞挑燈有女正穿針  
早寒時節黃昏後更逐西風應遠砧

寄公闢

憶昔都門手一携春禽初向苧蘿啼夢回金殿風光別  
吟到銀河月影低舞急錦腰迎十八酒醒玉盞照東西  
何時得遂扁舟去邂逅從君訪剡溪

呈公闢

東歸行路歎賢哉碧落新除寵上才白傅林塘畫去  
吳山花鳥入詩來唱酬自有微之在談笑應容逸少陪  
除此兩翁相見外不知三徑為誰開

奉和葦老

童子何知幸最深久班籍湜奉登臨挾經屢造芝蘭室  
揮麈常聆金玉音黃卷香焚春晚晚絳紗人散夜蕭森



明朝只恐絲綸下回首青雲萬里心

中秋口號

并引一云雲山閣白語

伏以四難并得既為尊俎之佳期五福具膺實號搢紳  
之盛事矧中秋之屆候宜公燕之交歡恭惟判府大資  
身遇聖神家傳將相時應半千之運論歸尺五之天姓  
名久在於金甌方面暫分於玉節浮城飛閣引南國之  
佳人豪竹哀絲奏西園之清夜

雲山簷楹接低空公宴初開氣鬱葱照海旌旛秋色裏  
激天鼓吹月明中香槽旋滴珠千顆歌扇驚圍玉一叢  
二十四橋人望處台星正在廣寒宮

致政通議口號

并引一作秋燕口號

竊以五福具膺實搢紳之盛事四難并得亦尊俎之佳  
期恭惟致政通議馬鶴英姿鼎槐華胃身見六朝之盛  
位登兩省之崇北陌東阡時命青牛之駕左圖右史日  
從赤松之遊判府左丞神獄殊鍾星躔異稟方面雖分  
於玉節姓名已覆於金甌舉白飛觴極水陸四方之饌  
彈絲擊石盡賓主一時之歡

秋空畫隼照新晴符隱庵前小隊停玉斝金醪通繾綣  
鳳笙龍管入青冥靚粧醜酒花侵席寶獸呀香霧滿庭  
太史應占豫州分上台星近老人星



口號

美酒忘憂之物流光過隙之駒不捕人心十事常居八  
九得開口笑一月亦無二三莫思身行無窮且賭尊前  
見在功名富貴何異楚人之弓城郭人民問取遼東之  
鶴付與香鈿畫數畫歡美景良辰欲奏長謠聊陳短韻  
平原居士今無影鸚鵡空洲誰舉杯猶有漁陽搥搥鼓  
為君醉後作輕雷

悼王子開五首

其一

我昔官房子長懷忠穆賢里無行馬第山有卧牛阡當

代三公後惟君五福全桐棺遠歸祔追舊幾潜然

其二

早爾金閨彥頎然玉筍班周旋三友益零落十年間輕  
轆靈輻動悠揚素旒還暮年還抱愛應 辨追攀

其三

蕭散竹林風平生約略同官班嵇叔夜年輩晉安豐民  
詠濡頊政朝推胸臆功九原無復作埋王恨何窮

其四

南浦維舟訪東堂抵榻眠後期猶指日輕別遂終天墨  
妙今初貴詩名久已傳清風如未墜諸子更翩翩



其五

已矣知無憾賢愚共此途  
白駒馳白日黃髮掩黃墟  
和民終歸趙子將不葬吳  
拏病如可彊猶擬莫生芻

淮海後集卷第三

淮海後集卷第四 詩

秦觀 少游

秋興九首

擬韓退之

逍遙北窻下百事遠  
客慮無端葉間蟬催促  
時節去愁起如亂絲  
縈纏不如緒日月豈  
得已還復役朝暮人生  
均有得悲歎我不誤  
春愁自天時感憤亦  
真趣

擬孟郊

曉風有暴信暮蟬無好聲  
曉風與暮蟬自與時節爭  
獨客辭故鄉推車謁梁城  
梁城道迢迢區區役吾生  
不如



歸舊山藜藿安性情

擬韋應物

坐投林下石秋聲出疎林林間鳥驚棲豈獨傷客心物  
亦有代謝此理共古今鄰父縮新醅林下邀同斟癡兒  
踏吳歌姬姹足訛音日落相携手涼風快虛襟

擬李賀

魚鱗鱗空排嫩碧露桂梢寒桂團壁白蘋風起吹北窓  
尺鯉沉沒斷消息燕子將鷓欲歸去沈郎病骨驚遲暮  
濃愁茫茫寄何處萬里江南芳草路

擬李白

芙蓉露濃紅壓枝幽禽感秋花畔啼玉人一去未回馬  
梁邊燕子三見歸江頭白蘋老波底尺書不來空相望  
斜吹疎雨濕秋江霜風暗引芙蓉香石上菖蒲三尺長  
綠頭鴨兒棲萍草採蓮女郎笑花老木蘭船上動江水  
不覺鴛鴦帶波起

擬玉川子

南州有病客起卧北窓下玉兔銜光照清夜故人別我  
京洛遊不寄一行三改秋秋色變冷客裘薄漸覺衣袂  
寒颼作詩欲寄君未語先有愁不如呼童起危坐北  
窓下一杯寬我子日憂眼前俗事何擾擾此夕盡向杯



中休何必懷黃金印兮爵通侯

擬杜子美

紫頰寬袍漉酒巾江頭蕭散作閑人悲風有意催林葉  
落日無情下水濱車馬潼潼諸道路市朝滾滾共埃塵  
覓錢稚子啼紅頰不信山翁篋笥貧

擬杜牧之

鼓鼙夜戰北窗風霜葉鋪塔疊亂紅一段新愁驚枕上  
幾聲悲鴈落雲中眼前時節看馳馬日下生涯寄斷蓬  
弟妹別來勞夢寐杳無消息過江東

擬白樂天

不因霜葉辭林去的當山翁未覺秋北里酒錢煩屢索  
南川詩債懶頻酬欲歌金縷羞紅粉擬掉黃花避白頭  
底事登臨好時節等閑收拾許多愁

金山晚眺

西津江口月初弦水氣昏昏上接天清渚白沙茫不辨  
只應燈火是漁船

病中

踈簾薄幔對清燈鸚鵡喧喧自轉更風雨渺漫人卧病  
地爐湯鼎更悲鳴

聞鴈懷邵仲恭



楚澤吳天去未遲  
煩君且傍蒜山飛  
白袍居士如相問  
為說淄塵欲滿衣

冬蚊

蚤蠶蜂蠅罪一倫  
未如蚊子重堪嗔  
萬枝黃落風如射  
猶自傳呼欲噬人

文忠公云蚊子最可憎處是先要唱後來咬人

白馬寺晚泊

濛濛晚雨暗回塘  
遠樹依微不辨行  
人物漸稀疎磬斷  
綠蒲叢底宿鴛鴦

雪上感懷

七年三過白蘋洲  
長與諸豪載酒游  
舊事欲尋無處問

雨荷風蓼不勝秋

和程給事贈虞道判六首

其一

刀圭雲母具晨餐  
門對三層步斗壇  
夜考鶴經分七九  
曉占歲氣辨艸丹

居吟切黃色

其二

火棗交梨近可食  
不須地肺及天壇  
龜藏坎海毛皆綠  
鳳宿离宮色自丹

其三

紫府沉沉掩夜關  
竹陰清掃月中壇  
歲星偷得桃枝碧



董奉栽成李子丹

其四

囊中玉色已經食醉拂絲桐坐杏壇應笑倦游塵滓客  
鬢毛蕭瑟事鈿丹

其五

漢武遊心縵縵間文成五利盡登壇何如屈曲韓夫子  
不羨神君白玉丹

其六

使君本住道家山時訪元都太古壇陰惠已能追許令  
治功不獨過韋丹

處則閑題

清酒一盃甜似蜜美人雙鬢黑如鴉莫誇春色欺秋色  
未信桃花勝菊花

春詞絕句五首

其一

蒲萄初暖蕙薰微紅日窺軒睡覺時人倦披衣雙燕出  
香絲披眉木蘭枝

其二

弱雲亭午弄春嬌高柳無風妥翠條懶讀夜書搔短髮  
隔垣時聽賣錫簫



其三

都城春富百花披長憶人歸駐馬時  
淺色御黃應好在為誰還發去年枝

其四

風驅白雨洗園林  
蔽地飛花一寸深  
狂紫浪紅俱已矣  
老春雖在亦何心

其五

顛毛漸脫風情少  
匣劍空存俠氣銷  
人遠地偏無酒肉  
春深花鳥謾相撩

秋調二首

其一

雲惹低空不更飛  
班班紅葉欲辭枝  
秋光未老仍微暖  
恰似梅花結子時

其二

無數青莎繞玉階  
夕陽紅淺過牆來  
西風莫道無情思  
未放芙蓉取次開

齊逸亭

發發郎君更不歸  
故亭蕭瑟異當時  
玉笙金管渾如夢  
只有梅花三四枝

春日



殘臘渺茫雲外日  
新春彷彿夢中來  
雪霜便覺都無力  
只見桃花次第開

雪中寄丹元子

陰風一夜攪青冥  
風定紛紛雪片零  
想見玉清真境上  
白虛光裏誦黃庭

宿乳明方丈

漫天白雪無端倪  
佛室夜艾烏更啼  
相逢解頤足自慰  
勿語俗子念心携

新開湖送孫誠之有龍見于東北因成絕句

狂客走影曠悠悠  
菡萏吹風五月秋  
黃綬不為無氣槩

蒼龍垂尾送行舟

呈李公擇

青篋擘處銀鈎斷  
紅袂分時玉筋懸  
雲脚漸收風色緊  
半規斜日射歸船

落日馬上

日落荒阡白霧深  
紫騮嘶顧出疎林  
回頭已失來時路  
杳杳金盤墮翠岑

次韻參寥三首

其一

武陵漁子入花源  
但見秦人不得仙  
會有黃鸝鳴翠柳



何妨白眼望青天

其二

長安仕路與雲齊  
倦僕羸駱不可躋  
但得玄暉曾折簡  
何須平子更安題

其三

且折花枝醉復醒  
人間時節易崢嶸  
屠龍肯自羞無用  
畫虎從人笑不成

和書天慶觀賀秘監堂三首

其一

老仙舊地枕東城  
古木參天警畫聲  
我亦願為方外友

風流何必盡時生

其二

史君平昔慕清一  
一到祠堂意一新  
戶外黃冠應指點  
公應便是謫仙人

其三

衣履蕭條氣久清  
豪家門館未嘗行  
朱甍碧瓦何從得  
疑有陰兵夜助成

和書觀妙庵

龍瑞宮中種玉人  
誅茅結室傍秋雲  
自言洞裏山川別  
此處十分未一分



早春題僧舍

東園紫梅初破蕊北澗渌水方通流歸去一春花月夢  
定應少在此中遊

盆池釣翁

誰刻仙材作釣翁尺池終日釣微風令人却憶鷓鴣子  
散髮五湖狂醉中

賞醪醖有感

春來百物不入眼唯見此花堪斷腸借問斷腸綠底事  
羅衣曾似此花香

首題

節物相催各自新癡心兒女挽留春芳菲過盡何須恨  
夏木陰陰正可人

淮海後集卷第四



淮海後集卷第五

雜文

秦觀

少游

代蘄州守謝上表

愚罪著明當此萬死聖恩寬大尚假一麾顧惟昧冒之  
深第積戰兢之至伏念臣不學無術寡偶少徒荷先帝  
之誤知錄常負而擢用始欲悉力而舉職莫知長慮以  
佐時自取悔尤至煩揮黜責其妄作便可屏之遠方悞  
其知非猶當投於散地敢圖生死而肉骨尚容宣化以  
承流況臣粵自去冬掌陳愚懇願歸使節求綰郡章雖  
此左遷正符宿願恩旣深而逾望威亦極而難言此蓋



伏遇皇帝陛下大德海涵至仁天覆謂災眚之可赦以  
過失為當憐寬其未棄之誅開以自新之路解之不早  
嗟已迫於桑榆來者可追幸未填於溝壑誓捐軀幹上  
報恩私

代程給事乞祝聖表

本州管內舊有應天寺者造於宋元徽中其地據寶林  
山巔南直秦望北負卧龍戴山挾其左鑑水趨其前園  
視井邑如閬園畫越之形勝十得六七比於熙寧十年  
八月遇火金石土木之觀一夕殆盡樓觀宮室化為丘  
墟父老過之倘佯悼歎若失所依憑者固相率詣州自

陳願以私錢修復故寺本州尋具其事上聞仍乞易為  
十方蒙朝廷報可賜號寶林禪院於是郡之衣冠縉素  
無不悅豫敷舞以謀報上因大出力財爭先請奮浮圖  
棟宇次第告成曾未踰年已復舊觀蓋所據之地勝故  
與也易所遭之時盛故成也速不然何以至是哉謹按  
寶林禪院其地本名龜山前世文士見於篇章上有鰻  
井歲旱禱雨輒應臣等竊以為龜神物也有先事之智  
而壽踰千歲鰻龍類也有施澤之仁而功被萬物位正  
南方與時相見勢出人境足以有臨稽之於名効之於  
物參之於方位考之於形勢而酌之於民情理從事順



實宜永為頌祝陛下聖壽之地臣等自今後每遇同天  
節只於本院啓建道場及禱祠雨澤吉祥齋供其餘官  
中道場並不令於本院啓建夫下達士民之願上報君  
父之恩臣子之職也臣等荷國厚恩無以答生成之萬  
一庶幾因緣塔廟少伸犬馬之誠仰瞻闕庭不勝大願  
伏望聖慈特賜俞允

坤成節功德文疏

寶曆開祥爰屬補天之運金行御氣適當夢帝之期躬  
詣精廬妙修勝會致上方香積之飯闍西土貝多之文  
庶憑調御之緣少効華封之祝太皇太后伏願睿圖肇

固宸筭增隆日月無私永照臨於下土風雲不問長感  
會於中天

代荅范相公啓

堯夫

器兼文武道備天人始列周行綽有棟梁之器及叅大  
政鬱為社稷之臣果振家聲遂當國相昔韋平嗣興於  
西漢表揚繼起於東京張公錫延賞之名陸氏取象先  
之意雖云華族未必熙朝然猶前史以為美談當世謂  
之榮事固未有百年遇太平之運四世膺爰立之求以  
今言之一何盛也某夙登門何嘗頌威容念班謁以無  
由第承風而竊抃



賀孫中丞啓 和甫

光奉明恩進陞中憲伏惟慶慰恭惟中丞侍郎受天間  
氣為世真儒力足以扶顛持危器足以致遠任重巍然  
如衣服之有冠冕卓爾若鳥魚之有鳳鯤三朝充諫諍  
之官奮身不顧七郡任蕃宣之寄為民所思動靜不失  
其時遜逆必求諸道比支物望簡在上心粵自貳卿遂  
登執法嚴霜被野既知松栢之後凋猛獸居山將見藜  
藿之不采其叨拘符節久遠門闌

賀吏部傳侍郎啓

光膺帝命進貳天官 云云某官道術淵微器猷宏博更  
險夷而不測其操踐中外而不易其心漢節初歸常折  
薰宏之委楚郊卧治尤推汲黯之忠方傳報政之成已  
報除書之下亟辭右輔復踐中臺邦人遮轍以願留朝  
士舉酒而相賀吏曹三綜既知水監之無私王體一謀  
當見鈞衡之益重某屬驅軺傳阻造門闌

代何提舉賀范樞密啓

光膺睿命進貳中樞碩輔登崇溥天均慶切以天運無  
積蓋由八柱之仰成歲功不虧亦自四時而分治矧媯  
皇補天之際當商老和羹之初儻非心德之素同難冀  
事功之必立伏惟某官器兼文武學備天人雖小善而



必為臨大節而不奪入叅臺省著聞折檻之風外摠戎  
機寔罷爭柔之釁負謗傷而精神益勵處閑散而聞望  
愈隆逮神聖之纂臨屬風雲之感會念昔仁祖虛懷於  
慶曆之間惟時先公奏對於天章之下謂道可行於反  
掌而已亦至於容刀盛世難逢事立傳於故老嗣賢復  
出天實慰於斯民既被召以旋歸遂于霄而直上千尋  
廣厦欣然慰多士之心萬里長城足以制四夷之命某  
夙登門仞久曠書牋方從沙汰之餘未卜棲翔之所側  
聞進拜倍切驩愉巖石雖瞻尚鬱指紳之論袞衣遂有  
方疇區夏之情

賀門下呂僕射啓

微仲

伏審光奉明恩進陞左輔伏惟慶慰恭以其官當世大  
儒斯民先覺毀譽莫為之損益窮通靡得而變逾北斗  
如高山深林人何可測巨源若渾金璞玉器孰能名卓  
乎在指紳之中屹然有公輔之望果踐西臺之峻遂躋  
端揆之崇郎音喧騰士類交慶納忠有素詎須德裕之  
六箴應變無方不止姚崇之十事

謝潁州呂吏部啓

叨奉宸恩謬當藩郡境預四鄰之末潤霑九里之餘憑  
几占書未進河南之牘朶雲號體俄蒙郇國之函仰荷



謙沖退增悚愧恭以其官器周事變學造淵微出四世  
五公之門遇千載一時之運文辭則操觚立就政事則  
投刃皆虛荀氏八龍盡繼高陽之美河東三鳳尤推鸞  
鷲之奇會公且之相周俾伯禽而侯魯布宣詔今已成  
師帥之功近者君親行陟股肱之任其承風茲久覲德  
未遑企頌之懷敷宣罔既

荅丁彥良書

其啓辱書及詩備悉雅旨且承邇來為况甚休以感以  
慰竊味詩之大意率多辛酸耿愴之旨君生長僚富貴  
而喜作寒士語何耶固知詩非能窮人待窮然後工得

非政欲以此合古人語乎兼審薄挂吏議小累不足以  
玷遠猷毋甚快快也知罷官里閭慕義嗜學是所以增  
其志尚爾白玉微瑕千丈松礫石不害他日為大器躋  
施之士自有御之者幸順時自愛區區不宜其再拜

與許州范相公

其再拜安撫相公閣下某淮海一介之士行能無取比  
因緣科第獲列仕版又屬朝廷復置賢科而一二邇臣  
猥以充賦名實乖戾果致多言相公當國憐其孤單不  
即聞罷使得自便引疾而歸僥倖深矣比遇相公均逸  
藩輔而其承乏之地實在節制之下疵賤無介紹不敢



以書自通眷私懷何以云喻豈圖相公過有採聽首眷  
賜論薦使備著述之科檄書初至發函伏讀且喜且懼  
蓋相公於其昔既有保全之賜今有論薦之恩顧惟狂  
愚何以辱此屬拘官守不獲進謝門闌又不敢具啓事  
以叙悃愾區區俗禮非國士所以報知己者也惟相公  
裁察

祭監稅主簿文

維年月日具銜姓名謹以清酌庶羞之奠致祭于歿故  
監稅主簿之靈嗚呼賢才懿德宜顯周行以君德厚宜  
享壽康仕既未達人其云亡顧天理之莫究茲僚友之

永傷嗚呼西風蕭颯長夜淒涼靈車戒道丹旆飛揚存  
敬在俎有酒盈觴臨岐伸奠歸安故鄉尚饗

淮海後集卷第五



淮海後集卷第六 雜文

秦觀 少游

雜說

唐杜洽江夏人也自罷漢陰令居泗水上烈日笠首親  
督耕夫一年而食足二年而衣食兩餘三年而屋室完  
新六畜肥繁器用皆備自墾荒起家十五年為富家翁  
不假一人之力一毫之助彼嘗謂人曰夫忍恥入仕不  
困妻子衣食者幾希彼忍恥我勞力皆衣食耳顧我何  
如由功名之士觀之則誠為拘繫跼促人也若夫恬於  
進取安分潔已者蓋有取焉爾



通事說

文以說理為上序事為次古人皆備而有之後世知  
說理者或失於略事而善序事者或失於悖理  
皆過也蓋能說理者始可以通經善序事者  
始可以修史

蠶書

予閑居婦善蠶從婦論蠶作蠶書

考之禹貢揚梁幽雍不貢繭物充篚織文徐篚玄織縞  
荆篚玄纁玳組豫篚織績青篚縠絲皆繭物也而桑土  
既蠶獨言於充然則九州蠶事充為最乎予游濟河之  
間見蠶者豫事時作一婦不蠶比屋詈之故知充人可  
為蠶師今予所書有與吳中蠶家不同者皆得充人也

種變

臘之日聚蠶種沃以牛溲浴于川毋傷其藉迺縣之始  
雷卧之五日色青六日白七日蠶已蠶尚卧而不傷

時食

蠶生明日桑或柘葉風戾以食之寸二十分晝夜五食  
九日不食一日一夜謂之初眠又七日再眠如初既食  
葉寸十分晝夜六食又七日三眠如再又七日若五日



不食二日謂之大眠食半葉晝夜入食又三日健食乃食全葉晝夜十食不三日遂繭凡眠已初食布葉勿擲擲則蠶驚毋食二葉

制居

種變方尺及乎將繭乃方四丈織荏葦範以蒼葦竹長七尺廣五尺以為筐建四木宮梁之以為槌懸筐中間九寸凡槌十縣以居食蠶時分其居糞其葉餘必時去之荏葉為籬勿密屈葦之長二尺者自後葭之為簇以居繭蠶凡繭七日而採之居蠶欲溫居繭欲涼故以荏鋪繭寒之以風以緩蛾變

化治

常令煮繭之鼎湯如蟹眼必以筋其緒附于先引謂之銀頭毋過三系則糸麤不及則脆其審舉之凡糸自鼎道錢眼外於鏤星星應車動以過添梯乃至於車

錢眼

為版長過鼎面廣三寸厚九黍中其厚挿大錢一出其端橫之鼎耳後鎮以石緒總錢眼而上之謂之錢眼

鎖星

為三蘆管長四寸樞以圓木建兩竹夾鼎耳縛樞於管竹中管之轉以車下直錢眼謂之鎖星



添梯

車之左端置環繩其前尺有五寸當車牀左足之上建柄長寸有半匠柄為鼓鼓生其寅以受環繩繩應車運如環無端鼓固以旋鼓上為魚魚半出鼓其出之中建柄半寸上承添梯添梯者二尺五寸片竹也其上搽竹為鈎以防系竅左端以應柄對鼓為耳方其穿以閉添梯故車運以牽環繩之簇鼓鼓以舞魚魚振添梯故系不道偏

車

制車如轆轤必活其兩輻以利脫系

禱神

卧種之日升香以禱天駟先蠶也割鷄設醴以禱婦人寓氏公主蓋蠶神也母治堰母誅草母沃灰母室入外人四者神實惡之

戎治

唐史載于闐初無桑巧鄰國不肯出其王即求置婚許之將迎乃告曰國無帛可持蠶自為衣女聞置蠶帽絮中關守不敢驗自是始有蠶女刻石約無殺蠶蛾飛盡乃得治繭言蠶為衣則治繭可為絲矣世傳繭之未蛾而竅者不可為絲頃見鄰家誤以竅繭雜全繭治之皆



成系焉疑蛾蛇之爾也欲以為絲而其中空不復可治  
嗚呼世有知干闥治絲法者肯以教人則貸蠶之死可  
勝計哉予作蠶書哀蠶有功而不免故錄唐史所載以  
俟博物者

書丁彥良明堂議後

祀國事之大者歷世洪儒碩生議論考訂往往自相違  
戾丁俠以世家子早假蔭以官少年彊學援質有根抵  
訶詆前載惜乎未能以此獻諸朝得付有司禮官博士  
相與較正以備一代闕文君不能姑愛惜遵養以待云

錄龍井辯才事

熙寧九年秀州嘉興縣令陶彖有子得疾甚異形色語  
笑非復平人令患之乃大出錢財聘詔巫祝厭勝百方  
終莫能治是歲辯才法師元淨適以事至秀法師高僧  
也隱於錢塘之天竺山傳天台教學者數百人又特善  
呪水疾病者飲其所呪水輒愈吳人尊事之令素聞其  
名即馳詣師具狀告曰兒始得疾時見一女子自外來  
相調笑久之俱去稍行至水濱遺詩曰生為木卯人死  
作幽獨鬼泉門長夜開衾幃待君至自是屢來且有言  
曰仲冬之月二七之間月盈之夕車馬來迎今去妖期  
逼矣未知所處願賜哀憐師乃許諾因杖策從至其家



除地為壇設觀音像於中央取揚枝雷水灑而呪之三  
遠壇而去是夜兒寢安然不復如他時矣明日復來結  
跏趺座引兒問曰汝居何地而來至此荅曰會稽之東  
下山之陽是吾之宅古木蒼蒼師又問汝姓誰氏蒼曰  
吳王山上無人處幾度臨風學舞腰師曰汝柳姓乎乃  
輒然而笑師良久呵曰汝無始已來迷已逐物為物所  
轉溺於淫邪流浪千劫不自解脫入魔趣中橫生災害  
延及無辜汝今當知魔即非魔即法界我今為汝宣  
說首楞嚴秘密神呪汝當諦聽痛自悔恨訟既往過愆  
返本來清淨覺性於是號泣不復有去是夜謂兒曰辯

才之功汝父之虔無以加焉吾將去矣後二日復來曰  
久與子遊情不能遽捨願一舉觴為別因相對引滿既  
罷作詩一章曰仲冬二七是良時江下無緣與子期今  
日臨歧一盃酒共君千里遠相離遂去不復見予聞其  
事久矣元豐二年見辯才於龍井山問之信然

書王氏齋壁

皇祐元年余先大父赴官南康道出九江余實生焉滿  
歲受代猶寓止僧舍未幾代者卒叔瞻之先君來領其  
職事通家相好也至和元年叔瞻始生於南康後予迎老  
母來為汝南學官也而叔瞻亦奉太夫人間居於郡之西



郭時余之先大父母先人皆捐館而叔瞻之先君亦沒  
於瀘州皇祐逮今四十一年中間豐拜得喪死生休戚  
不可悉記獨兩家之孤各奉其母相遭于此甚可悲也

題彭景山傳神

內殿崇班致仕彭崇仁字景山胷中有韜略吏事精密  
所至士大夫翕然插之年四十不幸喪明家居無餘而  
目不可治如老驥伏櫪志未嘗不在千里聞北風則耳  
聾然自道觀之物無幸不幸以得喪觀之豈異世有所  
負耶然人之有德慧智術者常存乎疹疾惟深也能披  
剝萬象而見已安知景山不得之沉冥中耶

淮海間居集序

元豐七年冬余將西赴京師索文藁於囊中得數百篇  
辭鄙而悖於理者輒刪去之其可存者古律體詩百十  
有二雜文四十有九從遊之詩附見者五十有六合二  
百一十有篇次為十卷號淮海間居集云

清和先生傳

清和先生姓甘名液字子美其先本出於后稷氏有粒  
食之功其後播棄或居於野遂為田氏田為大族布於  
天下至夏末世襄有神農之後利其資率其徒往停於  
田而歸其倔彊不降者與彊而不釋甲者皆為城且春



賴公孫杵臼審其輕重不盡碎其族徒之陳倉與麥氏  
谷氏鄰居其輕者猶為白粲與鬼薪杵已而兆乎何內  
又移于曲沃曲沃之民悉化焉曲沃之地近於甘吾甘  
公之邑也故先生之生以甘為氏始居於曹受封於鄭  
及長器度汪汪澄之不清撓之不濁有醜藉涵泳經籍  
百家諸子之言無不溫觴孟子稱伯夷清下惠和先生  
自謂不夷不惠居二者之間而兼有其德因自號曰清  
和先生云士大夫喜與之游詩歌曲引往往稱道之至  
於牛童馬卒閭巷倡優之口莫不羨之以是名漸徹於  
天子一召見與語竟日上熟味其旨愛其淳正可以鎮

澆薄之徒不覺膝之前席自是屢見於上雖郊廟祠祀  
之禮先生無不預其選素與金城賈氏及玉卮子善上  
皆禮之每召見先生有司不請而以二子俱見上不以  
為疑或為之作樂盛饌以待之歡甚至於頭沒杯案先  
生既見寵遇子孫支庶出為郡國二千石往往皆是至  
於十室之邑百人之聚先生之族無不在焉昔最著聞  
者中山宜城湓浦皆良子弟也然皆好賓客所居冠蓋  
駢集賓客號呶出入無節交易之所在委積由是上疑  
其濁小人或乘間以賄入欲以逢上意而取寵一日上  
問先生曰君門如市何也先生曰臣門如市臣心如水



上曰清和先生今乃信其清和矣益厚遇之由是士大夫愈從先生游鄉黨賓友之會咸曰無甘公而不樂既至則一坐盡傾莫不注揖然先生遇事多不自持以待人斟酌而後行嘗自稱沽之哉沽之哉我待價者也人或召之不問貴賤至於牛管之量挈瓶之智或虛已來者從之如流布衣寒士一與之遇如挾纊惟不喜釋氏而僧之徒好先生者亦竊與先生游焉至於學道隱居之士多喜見先生以自晦然先生愛移人性情激發其膽氣解釋其憂憤可謂能令公喜能令公怒者邪主公卿士如灌夫李布李景儉相彬之徒坐與先生為黨而

被罪者不可勝數其相歡而奉先生者或至於破家敗產而不悔以是禮法之士疾之如讎如丞相朱子元執全吾劉文叔郭解長孫登皆不悅未嘗與先生語時又以其士行或久少中道而變不承於初咸毀之曰甘氏孽子始以詐得終當以詐敗矣久之或有言先生性不自持無大臣輔政之體置之左右未嘗有沃心之益或虞以虛閑廢事上由此亦漸疎之會徐邈稱先生為聖人上惡其朋比大怒遂命有司以光祿大夫秩就封宗廟祭祀未嘗見遂終於鄭仕於郡國者皆不奪其官初先生既失寵其交游往往謝絕甚者至於毀棄盡行以



賣直自售惟吏部尚書畢卓北海相孔融彭城劉伯倫  
篤好如舊融嘗上書辨先生之無罪上益怒融由此亦  
得罪而倫又為之頌與當世為有故不著今撮其行事  
大要者著于篇  
太史公曰先生之名見於詩書者多矣而未嘗至公之  
論也譽之者美逾其實毀之者惡溢其真若先生激發  
壯氣解釋憂憤使布衣寒士樂而忘其窮不亦薰然慈  
仁君子之政歟至久而多變此亦中賢之疵也孔子稱  
有始有卒者其惟聖人乎先生何誅焉子嘗過中山慨  
然想先生之風聲恨不及見也乃為之傳以紀

法雲寺長老然香會疏文

竊以香者妙通法性冥動聞機大則香積如來今天人  
而入律次則香嚴童子得羅漢而證圓通覺性之階嚴  
破塵寰之濁穢肆求善友同結勝緣薦沉水之密圓并  
棗膏之昏鈍規模既遠誓願尤弘若林若園得無礙法  
非煙非火轉不退輪偶就印以成文常干空而作蓋無  
前後去來之際有解脫知見之因暉乎若光明之雲佳  
哉如鬱葱之氣反聞之性八百之功德以成自覺之他  
億萬之阿沙斯遍

越列諸立程給事祠堂狀



浙水之東七州獨越為都會凡七州之軍事督焉其地  
西帶江北被海少雄山傑澤有桑麻魚稻藤苧竹箭之  
饒土沃而流水清而不迫非舟車足力所會故其民喜  
耕耨勤織紉尊本而薄末狡獪詆欺之弊視他州為少  
然以險阻之故豪彊惡少跌宕不逞之民一失其業則  
往往什聚伍行剽攘攻劫於江海之上不時去之則蔓  
延而成大盜矣為太守者若審知風俗之厚刑政並修  
則一方可以指麾而治不然雖憊力勞心猶無益也熙  
寧十年詔以給事中集賢殿修撰廣平程公知軍州事  
公素以治行補天下越人無不踴躍竦企願見公之所  
為及至政尚簡肅不為苟且苛細之事至而後必行事  
亦無所假借發隱擿伏敏捷如神每得所謂豪彊惡少  
跌宕不逞之民草斬而獸逐之至斷絕乃已於是距吳  
際閩楚千里肅然盜賊不敢發川行途止如即其家獄  
訟衰息風雨時至仍歲大穰乃禮賢俊仁老孤簡練士  
卒繕修宮寺至於郵亭刻漏為之一新頓廢偃僵斬然  
俱起然後知公之才所遇縱橫無窮其所厭伏東西逆  
銷變故於未形者多矣非特越人受其賜也使行且大  
用於朝推其道於天下則其所就者又可量耶先是太  
子少保南陽趙公有惠政於越既去而公承其後故議



者謂近世越州之政未有如二公者南陽公常命畫史  
圖太子少師天水趙公并公與已游從之像號三老圖  
而越之好事者遂作三老堂以寘之元豐二年公還朝  
郡之衣冠緇黃耆艾之士若干人乞留於部使者三為  
之上不報因相與泣曰公去矣其像雖存於三老堂然  
吾人之心未厭也聞公嘗帥洪福廣三郡三郡皆有生  
祠豈越獨無有今寶林院者公之所興建也若即其地  
為堂立公之像如三郡故事以慰吾人之思不亦可乎  
衆曰然於是又以狀白使者請立公之祠堂焉是時某  
適自淮南來省親將還越人謂某曰吾州更饑歉札瘥  
之後程公實撫養而教誨之去年冬福州太守司諫孫  
公嘗道于此具見其事今祠堂成有日矣謀為記宜莫  
如孫公者聞子與孫公鄉里且門人也盍撫厥實以為  
我請乎其既歎程公之政有以媚于民又嘉越人能大  
其施而推報之也乃為論次其事并列之風俗具而載  
之以備孫公之采擇焉

精騎集序

予少時讀書一見輒能誦暗疏之亦不甚失然負此自  
放喜從滑稽飲酒者游旬朔之間把卷無幾日故雖有  
彊記之力而嘗廢於不勤比數年來頗發憤自懲艾悔



前所為而聰明衰耗殆不如曩時十一二每閱一事必  
尋繹數終掩卷茫然輒復不省故雖然有勤苦之勞而  
常廢於善忘嗟夫敗吾業者常此二物也比讀齊史見  
孫奉荅邢詞云我精騎三千足敵君羸卒數萬心善其  
說因取經傳子史事之可為文用者得若干條勒為若  
干卷題曰精騎集云噫少而不勤無如之何矣長而善  
忘庶幾以此補之

故龍圖閣直學士中大夫知成都軍府事管內  
勸農使充成都府利別路兵馬鈐轄上護軍隴  
西郡開國侯食邑一千一百戶食實封三百戶

賜紫金魚袋李公行狀 曾祖諱宗誼故不仕

祖諱知至故不仕 父諱東故任江寧府溧水

縣尉累贈特進

南康軍建昌縣李常字公擇年六十四李氏宗出唐宗  
室郇公諱遠祖濤五代時號輔名臣仕皇朝為兵部尚  
書封莒國公莒公少時仕於湖南氏有一子留江南公  
其裔孫也故今為南康建昌人公少警悟好學彊記為  
文章捷敏初若不經意而比成粲然屬寓深遠皇祐中  
登進士甲科授防禦推官權江別軍事判官丁昌源郡  
太夫人憂解官又丁光祿公憂服闋權宣州觀察推官



監漣水軍轉般倉改大理寺丞知洪州奉新縣未行用  
韓公獻肅薦為三司檢法官神宗即位詔大臣舉館職  
曾宣公以公應詔召試學士院除祕閣校理編校史館  
書籍兼太常博士兼史館檢討置三司條例司檢詳官  
者詳中書條例權判尚書考功改右正言同管勾國子  
監公事是時王荊公輔政始作新法諫官御史論不合  
者輒斥去公上疏力抵其非以為始建三司條例司雖  
致天下之議而善士猶或與之至於均輸之論興青苗  
之法立公然取息傳會經旨以為無嫌則天下固已大  
駭而善士亦不復與矣時荊公之子粦與溫陵呂惠卿  
皆與聞國論凡朝廷之事三人者參然後得行公言陸  
下與大臣議某事安石不可則移而不行安石造騰議  
某事安石承認頒為呂惠卿獻疑則反之詔用某人安  
石惠卿之所可粦不說則又罷之孔子曰祿去公室政  
在大夫陪臣執國命今皆不似之邪而其論青苗尤為  
激切至十餘上不已於是落職通判滑州歲餘復職知  
鄂州徙知湖州遷尚書祠部員外郎賜五品服徙知齊  
州州故多盜公至痛懲艾之論報無虛日盜猶不止他  
日得黥盜察其可用刺為兵使直事鈴下間聞以盜發  
輒得而不襄止之故曰此繇富家為之囊使盜自相推



為甲乙官吏巡捕及門擒一人以首則免矣公曰吾得之矣乃令得藏盜之家皆發屋破柱盜賊遂清始公在武昌吳興政尚寬簡日與賓客縱酒笑詠吏民安樂之郡以大治於是世知公之才所值無不可也屬決河灌山東諸郡公捍禦有術部使者以聞降詔書獎諭徙淮南西路提點刑獄遷尚書度支員外郎坐厚善直史館蘇公軾得其詩文不以告蜀金寄祿格行換朝散郎遷朝請郎試太常少卿公去國十五年至是還朝士大夫喜見於色以謂正人復用也以職事對稱旨面賜三品服未幾試禮部侍郎文昌府成車駕臨幸恩遷朝奉大

夫又遷朝散大夫上節位覃恩遷朝請大夫試吏部侍郎遷朝議大夫俄試戶部尚書詔百官轉對公以七事應詔一曰崇廉恥二曰存貢舉三曰別守宰四曰去賊貪五曰慎疑獄六曰擇師儒七曰修役法皆當時急務而其言從法尤合公論又取差免二法折衷為書上之以為法無新陳便民者良法也論無彼已可久者確論也又曰貧富俱出貲則貧者之所難堪使富者出貲貧者出力庶乎其可也大略如此遷中大夫除御史中丞兼侍讀加龍圖閣直學士初元豐河決小吳神宗以河執方趨西北難以力回詔勿復塞須其自定增立隄防



而或者以謂非悠遠之策請開澶淵游河分殺水勢又  
欲自蘇村口截為隄導還故處詔遣公視之還奏非便  
又遣吏部侍郎范公百禄給事中趙公君錫覆視奏與  
公合而或者猶執前議銳於興役法朝廷疑之至是公  
申論其弊章六七上而其役竟罷之又請分詩賦經義  
兩科以盡取士之法別自致因人為兩塗以究省官之  
術其忠言謹論蓋不可以一二舉至於因時乘間導迎  
和氣者多密以啓聞故莫得而知也俄守兵部尚書固  
辭不受懇求外補章屢上遂出知鄧州數月徙成都府  
行及陝府閬州縣暴卒於傳舍寶元祐五年二月二日

也累勲至上護軍隴西郡侯公風度凝遠與人有意  
而遇事彊毅不為苟合初善王荆公荆公嘗國莫其為  
助而抵之廼力於他人荆公嘗遣粵喻意曰所爭者國  
事少存朋友之義公曰大義滅親況朋友乎自存益確  
士論以此歸之少時讀書於廬山五老峯下白石菴之  
僧舍後身雖出仕宦而書藏於山中如故每得異書輒  
益之至九千餘卷山中之人號李氏山房仲兄布蚤卒  
事其嫂張敬甚撫其子秉彝如己子自奉清約所俸入  
多少以賜親族捐館之日無贏貲朝廷聞之常賻外特  
賜五十萬有文集若干卷藏于家初娶狄氏襄陽遵度



主簿之女蚤卒贈其縣封遵度亦俊傑士寶元慶曆間  
以文章顯名再娶魏氏光祿卿琰之女亦蚤卒贈遂寧  
郡君又娶遂寧之弟封安康郡君子男四人長曰摠揚  
州江都縣尉早卒次曰遵承奉即次曰遠承務即次曰  
迢承務即女三人長適郢州長壽縣主簿孫端次適郊  
祀齋即丘揖次適進士黃叔敖諸孤自闕鄉扶柩南歸  
而公之伯兄時為江南西路轉運使遂以其年十月丙  
午葬公于南康軍建昌縣千秋之原前期諸孤請狀公  
之行治而公之美實多難以具著著其出處終始之大  
者以告諸史氏謹狀

淮海居士文集後序

元祐中海內之士望蘇公門牆何止數仞獨高郵秦君  
與黃魯直張文潛晁無咎四人者以文章議論頡頏其  
間而秦君受公之知為最深以賢良方正直言極諫糾  
薦于朝且上其文汲汲焉不啻若已出王介甫平時重  
許可得其詩文於蘇公自謂嘗鼎一臠使奄而大嚼既  
味其餘又不知作何等語也抑由養之於中博洽宏深  
故發越於外亘乎粹然一出於正足以開治道而補名  
教者具於海所載是也至於感興詠懷間於歌詞世淮  
之淺薄往往謂尤長於樂府未見好德如好色者也惜



高郵荐更兵火索囊善本訛舛失真里人王公定國之  
牧是邦剗裁豐暇開學校以先士類謂捨匠石之園而  
掄材於遠天下之大弊以公之文易於矜式搜訪遺逸  
咀華泝原一字不苟校集成編總七百二十篇登為四  
十九卷板置郡庠使一鄉善士其則不遠可謂知設教  
之序矣嗚呼士有窮而榮達而拙者公平生仕進奇蹇  
不偶竟不如志一何不幸至其為文有蘇公以主盟於前  
王公以膏馥於後將彌億載而愈光又何其幸耶乾道  
癸巳正月望日左朝奉大夫試給事中兼侍講三山  
林機景度叙

高郵軍學淮海文集計四百四十九枚并副葉祿背等  
共用紙五百張

三省紙每張二十文計一十貫文省

新管紙每張一十文計五貫文省

竹下紙每張五文計二貫五百文省

工墨每版一文計五百文省

青紙祿背作一十冊每冊七十文計七百文省

官收工料錢五百文省




軍學諭韓濤 林逕樞 校勘

左修職郎高郵軍錄事參軍兼推官兼教授趙伯膚

右承事郎權發遣高郵軍王管學事兼管内勸農營田屯田事王

維海居士長短句上



秦觀少游

望海潮四首

星分牛斗疆連淮海揚州萬井提封花發路香鶯啼人  
起珠簾十里東風豪俊氣如虹曳照春金紫飛蓋相從  
卷入垂楊畫橋南北翠烟中  
追思故國繁雄右迷樓掛斗月觀橫空紋錦製帆明珠  
蹴雨寧論爵馬魚龍往事逐孤鴻但亂雲流水滎帶離  
宮最好揮毫萬字一飲拚千鍾

其二



秦峰蒼翠耶溪瀟洒千巖萬壑爭流鴛瓦雉城譙門盡  
戟蓬萊燕閣三休天際識歸舟泛五湖煙月西子同遊  
茂草臺荒苧蘿村冷起閑愁

何人覽古凝眸悵朱顏易失翠被難留梅市舊書蘭亭  
古墨依稀風韻生秋狂客鑑湖頭有百年臺沼終日爽  
猶最好金龜換酒相與醉滄洲

其三

梅英踈淡水漸溶洩東風暗換年華金谷俊遊銅駝巷  
陌新晴細履平沙長記誤隨車正紫翻蝶舞芳思交加  
柳下桃蹊亂分春色到人家

西園夜飲鳴笳有華燈礙月飛蓋妨花蘭苑未空行人  
漸老重來是事堪嗟烟暝酒旗斜但倚樓極目時見樓  
鷗魚柰歸心暗隨流水到天涯

其四

奴如飛絮郎如流水相沾便肯相隨微月戶庭殘燈簾  
幕忽忽共惜佳期纔話暫分携早抱人嬌咽雙淚紅垂  
畫舸難停翠幃輕別兩依依

別來怎表相思有分香怕子合數松兒紅粉脆痕青牋  
嫩約丁寧莫遣人知成病也因誰更自言秋杪親去無  
疑但恐生時注著合有分子愁



沁園春

宿靄迷空，膩雲籠日，晝景漸長。正蘭皋泥潤，誰家燕喜，蜜脾香少，觸處蜂忙。盡日無人，簾幕掛更風迤，遊絲特過牆。微雨後，有桃愁杏怨，紅淚淋浪。  
風流寸心易感，但依依，玳立回盞。柔腸念小，盜瑤鑑重，勻絳蠟，玉籠金斗。時熨沉香，柳下相將，遊冶處，便回首，青樓成異鄉。相憶事，縱蠻戩萬疊，難寫微茫。

水龍吟

小樓連遠橫空，下窺繡轂雕鞍。驟朱簾半捲，單衣初試，清明時候。破暖輕風，弄晴微雨，欲無還。有賣花聲過，盡  
斜陽院落，紅成陣，飛鴛甃。  
玉珮丁東，別後悵佳期，參差難又。若韉利鎖，天還知道，和天也瘦。花下重門，柳邊深巷，不堪回首。念多情，但有當時皓月，向人依舊。

八六子

倚危亭，恨如芳草，淒淒剗盡，還生念柳外青驄別後，水邊紅袂，分時愴然暗驚。

無端天與娉婷，夜月一簾幽夢，春風十里柔情。怎奈向，歡娛漸隨流水，素絃聲斷，翠綃香減。那堪片片飛花弄晚，濛濛殘雨籠晴。正銷凝，黃鸝又啼數聲。



風流子

東風吹碧草年華換行客老滄洲見梅吐舊英柳搖新  
綠惱人春色還上枝頭寸心亂北隨雲黯黯東逐水悠  
悠斜日半山暝烟兩岸數聲橫笛一葉扁舟  
青門同携手前歡記渾似夢裏揚州誰念斷腸南陌回  
首西樓算天長地久有時有盡奈何綿綿此恨難休擬  
待倩人說與生怕人愁

夢揚州

晚雲收正柳塘煙雨初休燕子未歸惻惻輕寒如秋小  
攔外東風軟透繡幃花蜜香稠江南遠人何處鷓鴣啼  
破春愁長記  
曾陪燕遊酌妙舞清歌麗錦纏頭殢酒為花十載因誰  
淹留醉鞭拂面歸來晚望翠樓簾捲金鈎佳會阻離情  
正亂頻夢揚州

雨中花

指點虛無征路醉乘班虬遠訪西極正天風吹落滿空  
寒皇女明星迎笑何苦自淹塵域正火輪飛上霧捲煙  
開洞觀金碧  
重重觀閣橫枕鼇峰水面倒銜蒼石隨處有奇香幽火  
杳然難測好是蟠桃熟後阿環偷報消息在天碧海一



枝難遇占取春色

一叢花

年時今夜見師師雙頰酒紅滋疎簾半捲微燈外露華  
上烟裊涼颺簪髻亂拋恨人不起彈淚唱新詞  
佳期誰料久參差愁緒暗縈綠想應妙舞清歌罷又還  
對秋色嗟咨惟有畫樓當時明月兩處照相思

鼓笛慢

亂花叢裏曾携手窮艷景迷歡賞到如今誰把雕鞍鎖  
定阻遊人來往好夢隨春遠從前事不堪思想念香闌  
正香佳歡未偶難留戀空惆悵

永夜嬋娟未滿嘆玉樓我時重上那堪萬里却尋歸路  
指陽關孤唱苦恨東流水挑涼路欲回雙槳仗何人細  
與丁寧問呵我如今怎向

促拍滿路花

露顆添花色月彩投窓隙春思如中酒恨無力洞房咫  
尺曾寄青鸞翼雲散無蹤跡羅帳薰殘夢回無處尋覓  
輕紅膩白步步薰蘭澤約腕金環重宜裝飾未知安否  
一向無消息不似尋常憶憶後教人片時存濟不得

長相思

鐵磨城高蒜山渡閣干雲十二層樓開樽待月掩箇披



風依然燈火揚州綺陌南頭記歌名宛轉卿號溫柔曲  
檻俯清流想花陰誰繫蘭舟

念淒絕秦絃感深荆賦相望幾許凝愁勤勤裁尺素柰  
雙魚難渡瓜洲曉鑑堪羞潘鬢點吳霜漸稠幸于飛鴛  
鴦未老不應同是悲秋

滿庭芳

山抹微雲天連衰草畫角聲斷譙門暫停征棹聊共引  
離樽多少蓬萊舊事空回首煙靄紛紛斜陽外寒鴉萬  
點流水遠孤村

鎖魂當此際香囊暗解羅帶輕分謾贏得青樓薄倖名  
存此去何時見也襟袖上空惹啼痕傷情處高城望斷  
燈火已黃昏

其二

紅蓼花繁黃蘆華亂夜深玉露初零霽天空闊雲淡楚  
江清獨棹孤蓬小艇悠悠過煙渚沙汀金鉤細絲綸慢  
捲牽動一潭星

時時橫短笛清風皓月相與忘形任人笑生涯泛梗飄  
萍飲罷不妨醉卧塵勞事有耳誰聽江風靜日高未起  
枕上酒微醒

其三



碧水驚秋黃雲凝暮敗葉零亂空塔洞房人靜斜月照  
徘徊又是重陽近也我處處砧杵聲催西窗下風搖翠  
竹疑是故人來

傷懷增悵望新懽易失往事難猜問籬邊黃菊知為誰  
開謾道愁須殢酒酒未醒愁已先回憑欄久金波漸轉  
白露點蒼苔

江城子三首

西城楊柳弄春柔動離憂淚難收猶記多情曾為繫歸  
舟碧野朱橋當日事人不見水空流  
韶華不為少年留恨悠悠幾時休飛絮落花時候一登

樓便做春江都是淚流不盡許多愁

其二

南來飛燕北歸鴻偶相逢慘愁容歸鬢朱顏重見兩衰  
翁別後悠悠君莫問無限事不言中  
小槽春酒滴珠紅莫忽忽滿金鍾飲散落花流水各西  
東後會不知何處是煙浪遠暮雲重

其三

棗花金釧約柔荑昔曾携手難期咫尺玉顏和淚鎖春  
閨恰似小園桃與李雖同處不同枝  
玉筍初度顛鸞篋落花飛為誰吹月冷風高此恨只天



知任是行人無定處重相見是何時

滿園花

一向沉吟久淚珠盈襟袖我當初不合苦擱就慣縱得  
軟頑見底心先有行待癡心守甚捨著脉子倒把人來  
傷慙

近日来非常羅皂醜佛也須眉皺怎掩得衆人口待收  
了孛羅罷了從來中從今後休道共我夢見也不能得勾

淮海居士長短句上

淮海居士長短句上

秦觀少游

迎春樂

菖蒲葉葉知多少惟有箇蜂兒妙雨晴紅粉齊開了露  
一點嬌黃小

早是被曉風力暴更春共斜陽俱老怎得香香深處作  
箇蜂兒抱

鵲橋仙

織雲弄巧飛星傳恨銀漢迢迢暗度金風玉露一相逢  
便勝却人間無數



柔情似水佳期如夢忍顧鵲橋歸路兩情若是久長時  
又豈在朝朝暮暮

菩薩蠻

蟲聲泣露驚秋枕羅幃淚濕鴛鴦錦獨卧玉肌涼殘更  
與恨長

陰風翻翠幌雨送燈花暗畢竟不成眠鴉啼金井寒

減字木蘭花

天涯舊恨獨自淒涼人不問欲見回腸斷盡金爐小篆  
香

黛娥長歛任是春風吹不展困倚危樓過盡飛鳴字字

愁

木蘭花

秋容老盡芙蓉院草上霜花勻似翦西樓促坐酒杯深  
風壓繡簾香不捲

玉纖慵整銀箏鴈紅袖時籠金鴨煖歲華一任委西風  
獨有春紅留醉臉

畫堂春

落紅鋪徑水平池弄晴小雨霏霏杏園憔悴杜鵑啼無  
柰春歸

柳外畫樓獨上凭欄手撚花枝放花無語對斜暉此恨



誰知

千秋歲

水邊沙外城郭春寒退花影亂鶯聲碎飄零踈酒盞離  
別寬衣帶人不見碧雲暮合空相對

憶昔西池會鸚鵡同飛蓋携手處今誰在日邊清夢斷  
鏡裏朱顏改春去也飛紅萬點愁如海

踏莎行

霧失樓臺月迷津渡桃源望斷無尋處可堪孤館閉春  
寒杜鵑聲裏斜陽暮

驛寄梅花魚傳尺素砌成此恨無重數柳江幸自遶柳

山為誰流下瀟湘去

蝶戀花

曉日窺軒雙燕語似與佳人共惜春將暮屈指艷陽都  
幾許可無時霎閉風雨

流水落花無問處只有飛雲冉冉來還去持酒勸雲雲  
且任憑君礙斷春歸路

一落索

揚花終日空飛舞奈久長難駐海潮雖是暫時來却有  
箇堪憑處

紫府碧雲為路好相將歸去肯如薄倖五更風不解與



花為主

醜奴兒

夜來酒醒清無夢愁倚闌干露滴輕寒雨打芙蓉淚不  
乾

佳人別後音塵悄瘦盡難捱明月無端已過紅樓十二

間

南鄉子

妙手寫微真水剪雙眸點絳唇疑是昔年窺宋玉東鄰  
只露牆頭一半身

往事已酸辛誰記當年翠黛顰盡道有此堪恨處無情

任是無情也動人

醉桃源

阮郎歸

碧天如水月如眉城頭銀漏遲綠波風動畫船移嬌羞

初見時

銀燭暗翠簾垂芳心兩自知楚臺魂斷曉雲飛幽懽難

再期

河傳二首

亂花飛絮又望空關合離人愁苦那更夜來一霎薄情  
風雨暗掩將春色去

籬枯壁盡因誰做若說相思佛也眉兒聚莫怪為伊底



死縈腸惹肚為沒教人恨處

恨眉醉眼甚輕輕覷着神魂迷亂常記那回小曲搦于

西畔鬢雲鬆羅襪剗

丁香笑吐嬌無限語軟聲低道我何曾慣雲雨未諧早

被東風吹散悶損人天不管

浣溪沙五首

漠漠輕寒上小樓曉陰無賴似窮秋澹煙流水畫屏幽

自在飛花輕似夢無邊絲雨細如愁寶簾閑掛小銀鈎

其二

香靨凝羞一笑兩抑腰如醉暖相挨日長春困下樓臺

照水有情聊整鬢倚欄無緒更飛鞋眼邊牽繫懶歸來

其三

霜縞同心翠黛連紅綃四角綴金錢惱人香麝是龍涎

枕上忽收疑是夢燈前重看不成眠又還一段惡因緣

其四

脚上鞋兒四寸羅辰邊米粉一櫻少見人無語但回波

料得有心憐宋玉只應無奈楚襄何今生有分共伊麼

其五

錦帳重重卷暮霞屏風曲曲鬪紅牙恨人何事苦離家



枕上夢魂飛不去覺來紅日又西斜滿庭芳草襯殘花

如夢令

門外鴉啼楊柳春色著人如酒睡起熨沉香玉腕不勝  
金斗消瘦消瘦還是褪花時候

其二

遙夜沉沉如水風緊驛亭深閉夢破鼠窺燈霜送曉寒  
侵被無寐無寐門外馬嘶人起

其三

幽夢忽忽破後粧粉亂痕露袖遙想酒醒來無柰玉銷  
花瘦回首回首遠岸夕陽疎柳

其四

樓外殘陽紅滿春入柳條將半桃李不禁風回首落英  
無限腸斷腸斷人共楚天俱遠

其五

池上春歸何處滿日落花飛絮孤館悄無人夢斷月堤  
歸路無緒無緒簾外五更風雨

阮郎歸

退花新綠漸團枝撲人風絮飛鞦韆未拆水平堤落紅  
成地衣

遊蝶困乳鶯啼怨春怎知日長早被酒禁持那堪更春



別離

其二

宮腰裏，翠鬢鬆，夜堂深處逢無端。銀燭殞，秋風靈犀，得暗通。

身有恨，恨無窮。星河沈曉空，隴頭流水各西東。佳期如

夢中

其三

瀟湘門外水平鋪，月寒征棹孤。紅粧飲罷少踟躕，有人偷向隅。

揮玉筋，酒真珠。梨花春雨餘，人人盡道斷腸初。那堪腸

已無

其四

湘天風雨破寒初，深沉庭院虛。麗譙吹罷小單于，迢迢清夜徂。

鄉夢斷，旅魂孤。崢嶸歲又除，衡陽猶有鴈傳書。郴陽和鴈無。

滿庭芳

北苑研膏，方圭圓璧，萬里名動京關。碎身粉骨，功合上凌烟。尊俎風流戰勝，降春睡、開拓愁邊。纖纖捧香泉，賦乳金縷，鷓鴣班。



相如方病酒一觴一詠賓有群賢便扶起燈前醉玉顏  
山搜攬曾中萬卷還傾動三峽詞源歸來晚文君未寢  
相對小艇殘

其二

此詞正少游所作  
人傳王觀撰非也

曉色雲開春隨人意驟雨才過還晴古臺芳榭飛燕蹴  
紅英舞困榆錢自落鞦韆外綠水橋平東風裏朱門映  
柳依按小秦箏

多情行樂處珠鈿翠蓋玉纒紅纓漸酒空金盞花困蓬  
瀛豆蔻梢頭舊恨十年夢屈指堪驚凭欄久踈烟淡日  
寂寞正燕城

其三 茶詞

雅燕飛觴清譚揮座使君高會群賢密雲雙鳳初破縷  
金團院外炉烟似動開餅試一品香泉輕淘起香生玉  
塵雪滅紫瓊圓

嬌鬟宜美眇雙擎翠袖穩步紅蓮生中客翻愁酒醒歌  
闌點上紗籠畫燭花駉弄月影當軒頻相顧餘懽未盡  
欲去且留連

桃源憶故人

玉樓深鎖薄情種清夜悠悠誰共羞見枕衾鴛鳳悶郎  
和衣擁



無端畫角嚴城動  
驚破一番新夢  
窓外月華霜重  
聽徹梅花弄

淮海居士長短句中

淮海居士長短句下

秦觀少游

調笑令十首并詩

王昭君

詩曰

漢宮選女適單于  
明妃斂袂登羈車  
玉容寂寞花無主  
顧影低徊泣路隅  
行行漸入陰山路  
目送征鴻入雲去  
獨抱琵琶恨更深  
漢宮不見空回顧

曲子

回顧漢宮路  
捍撥檀槽鸞對舞  
玉容寂寞花無主  
顧影



偷彈玉筋未央宮殿知何處目送征鴻南去

右一

樂昌公主

詩曰

金陵往昔帝王州樂昌主第最風流一朝隋兵到江上  
共抱恹恹去國愁越公萬騎鳴簫鼓劍擁王人天上去  
空携破鏡望紅塵千古江楓籠輦路

曲子

輦路江楓古樓上吹簫人在否菱花半壁香塵汙往日  
繁華何處舊歡新愛誰是主啼笑兩難分付

右二

崔徽

詩曰

蒲中有女號崔徽輕似南山翡翠兒使君當日最寵愛  
坐中對客常擁持一見裴郎心似醉夜解羅衣與門吏  
西門寺裏樂未央樂府至今歌翡翠

曲子

翡翠好容止誰使庸奴輕點綴裴郎一見心如醉笑裏  
偷傳深意羅衣中夜與門吏暗結城西幽會

右三



無雙

尚書有女名無雙  
娥眉如畫學新粧  
姊家仙客最明俊  
舅母唯只呼王郎  
尚書往日先曾許  
數載睽違今復遇  
聞說襄王二十年  
當時未必輕相慕

曲子

相慕無雙女  
當日尚書先  
曾許王郎明俊  
神仙侶腸斷  
別離情苦數年  
睽恨今復遇  
笑指襄江歸去

右四

灼灼

詩曰

錦城春暖花欲飛  
灼灼當庭舞柘枝  
相君上客河東秀  
自言那復傍人知  
妾願身為梁上燕  
朝朝暮暮長相見  
雲收月墮海沉沉  
淚滿紅綃寄腸斷

曲子

腸斷繡簾捲  
妾願身為梁上燕  
朝朝暮暮長相見  
莫遣  
恩遷情變紅綃粉  
淚知何限  
萬古空傳遺怨

右五

眇眇

詩曰



百尺樓高燕子飛樓上美人顰翠眉將軍一去音容遠  
只有年年舊燕歸春風昨夜來深院春色依然人不見  
只餘明月照孤眠唯望舊恩空戀戀

曲子

戀戀樓中燕燕子樓空春日晚將軍一去音容遠空鎖  
樓中深怨春風重到人不見十二欄干倚遍

右六

鶯鶯

詩曰

崔家直女名鶯鶯未識春光先有情河橋兵亂依蕭寺

紅愁羅慘見張生張生一見春情重明月拂牆花樹動  
夜半紅娘擁抱來脉脉驚魂若春夢

曲子

春夢神仙洞冉冉拂牆花樹動西廂待月知誰共更覺  
玉人情重紅娘深夜行雲送困鞦韆橫金鳳

右七

採蓮

詩曰

若耶溪邊天氣秋採蓮女兒溪岸頭笑隔荷花共人語  
煙波渺渺蕩輕舟數聲水調紅嬌晚棹轉舟回笑人遠



腸斷誰家遊冶郎盡日踟躕臨柳岸

詞子

柳岸水清淺笑折荷花呼女伴盈盈日照新粧面水調  
空傳幽怨扁舟日暮笑聲遠對此令人腸斷

右八

煙中怨

詩曰

鑑湖樓閣與雲齊樓上女兒名阿溪十五能為綺麗句  
平生未解出幽圍謝郎巧思詩裁剪能使佳人動幽怨  
瓊枝壁月結芳期半帳變成春戀

詞子

眷戀西湖岸湖面樓臺侵雲漢阿溪本是飛瓊伴風月  
朱扉斜掩謝郎巧思詩裁剪能動芳懷幽怨

右九

離魂記

詩曰

深圍女兒嬌復癡春愁春恨那復知舅兄唯右相拘意  
暗想花心臨別時離舟欲解春江暮冉冉香魂逐君去  
重來兩身復一身夢覺春風話心素

詞子



心素與誰語始信別離情最苦蘭舟欲解春江暮  
精爽隨君歸去異時携手重來處夢覺春風庭戶

詞賦十首右十

虞美人三首

高城望斷塵如霧不見聯驂處夕陽村外小灣頭只有  
柳花無數送歸舟  
瓊枝玉樹頻相見只恨離人遠欲將幽恨寄青樓爭奈  
無情江水不西流

其二

碧桃天上栽和露不是凡花數亂山深處水縈回可惜

一枝如畫為誰開

輕寒細雨情何限不道春難管為君沉醉又何妨祇怕  
酒醒時候斷人腸

其三

行行信馬橫塘畔煙水秋平岸綠荷多少夕陽中知為  
阿誰凝恨背西風  
紅粧艇子來何處蕩漿偷相顧鴛鴦驚起不無愁柳外  
一雙飛去却回頭

點絳脣二首

醉漾輕舟信流引到花深處  
塵緣相誤無計花間住



煙水茫茫千里斜陽暮山無數亂紅如雨不記來時路

其二

月轉烏啼盡堂官徵生離恨美人愁悶不管羅衣褪  
清淚班班揮斷柔腸寸嘆人問背燈偷搵拭盡殘粧粉

品令二首

幸自得一分索強教人難喫好好地惡了十來日恰而  
今較些不

須管吸持教笑又也何須脫織衡倚賴斂兒得人惜放  
軟頑道不得

其二

掉又恨天然箇品格於中壓一簾兒下時把鞋兒踢語  
依依笑咭咭

每每秦樓相見見了無門憐惜人前強不欲相沾識把  
不定斂兒赤

南歌子三首

玉漏迢迢盡銀潢淡淡橫夢回宿酒未全醒已被鄰雞  
催起怕天明

臂上絳猶在襟間淚尚盈水邊燈火漸人行天外一鉤  
殘月帶三星

其二



愁鬢香雲墜嬌眸水玉裁月憺風悵為誰開天外不知  
音耗百般猜

玉露沾庭砌金風動瑤灰相看猶似夢初回只恐又拋  
人去幾時來

其三

香墨彎彎畫燕脂淡淡勻揉藍衫子杏黃裙獨倚玉欄  
無語點檀唇

人去空流水花飛半掩門亂山何處覓行雲又是一鈞  
新月照黃昏

臨江仙

千里瀟湘接藍浦蘭橈昔日曾經月高風定露華清微  
波澄不動冷浸一天星  
獨倚危檣悄悄遙聞妃瑟泠泠新聲含盡古今情曲  
終人不見江上數峰青

其二

髻子恨人嬌不整眼兒失睡微重尋思模樣早心忪斷  
腸携手何事太怱怱  
不忍殘紅猶在臂疑夢裏相逢遙憐南埭上孤蓬夕  
陽流水紅滿溪痕中

好事近

夢中作



春路雨添花花動一山春色行到小溪深處有黃鸝千  
百

飛雲當面化龍蛇天矯轉空碧醉卧古藤陰下了不知

南北東坡跋尾 供奉官莫君活官 湖南喜從遷客游尤為

乃歸本使藏之 魯直跋少游好事近 少游醉卧古藤

淮海居士長短句下

下誰與愁眉唱一杯解作江南新腸句只今唯有賀方回

詩餘見草堂集 本集失載

明錢塘鄧章漢輯

搗練子

秋閨

心耿耿淚雙雙斜月斜風冷透牕人去秋來宮漏永  
夜深無語對銀缸

憶王孫

春景

萋萋芳草憶王孫柳外樓高空斷魂杜宇聲聲不忍



聞欲黃昏雨打梨花深閉門

如夢令 曲名小  
梅花

春景

門外綠陰千頃兩兩黃鸝相應睡起不勝情月到碧  
梧金井人靜人靜風弄一枝花影

又

鶯嘴啄花紅溜燕尾點波綠皺指冷玉笙寒吹徹小  
梅春透依舊依舊人與綠楊俱瘦

浣沙溪

春閨

清杏園林煮酒香佳人初試薄羅裳柳絲搖曳燕飛  
忙乍雨乍晴花易老閑愁閑悶日偏長為誰消瘦  
減容光

阮郎歸

春閨

春風吹雨遠殘枝落花無可飛小池寒綠欲生漪雨  
晴還日西 簾半捲燕雙歸諱愁無奈眉翻身整頓  
着殘綦沈吟應劫遲



旅况

滿天風雨破寒初，燈殘庭院虛。巖譙吹徹小單于。迢迢清夜徂，人意遠，旅情孤。崢嶸歲又除，衡陽猶有鴈傳書。柳陽和鴈無。

畫堂春

春怨

東風吹柳日初長，雨餘芳草斜陽。杏花零亂燕泥香。睡損紅粧。香篆暗消龍鳳，畫屏縈遠瀟湘。暮寒輕透薄羅裳，無限思量。

海棠春

春曉

流鶯窗外啼聲巧，睡未足把人驚。覺翠被曉寒輕。寶篆沈烟裊。宿醒未解，宮娥報道，別院笙歌會早。試問海棠花，昨夜開多少。

眼兒媚

一名秋波媚

春景

樓上黃昏杏花寒，斜月小欄杆。一雙燕子兩行歸，鴈畫角聲殘。綺窗人在東風裏，無語對春閑。也應似



舊盈盈秋水淡淡春山

柳梢青

春景

岸草平沙吳王故苑柳裊烟斜雨後寒輕風前香軟  
春在梨花行人一棹天涯酒醒處殘陽亂鴉門外  
鞦韆墻頭紅粉深院誰家

桃源憶故人

春閨

碧紗影弄東風曉一夜海棠開了枝上數聲啼鳥粧

點知多少妬雲恨雨腰肢裊眉黛不堪重掃薄倖  
不來春老羞帶宜男草

鷓鴣天

春閨

枝上流鶯和淚聞新啼痕間舊啼痕二春魚鳥無消  
息千里關山勞夢魂無一語對芳樽安排腸斷到  
黃昏甫能炙得燈兒了雨打梨花深閉門

蝶戀花

感舊



鐘送黃昏雞報曉昏曉相催世事何時了萬苦千愁  
人自老春來依舊生芳草忙處人多閑處少閑處  
光陰幾個人知道獨上小樓雲杳杳天涯一點青山  
小

滿庭芳

春景

晚兔雲開春隨人意驟雨纔過還晴古臺旁樹飛燕  
蹴紅英舞困榆錢自落鞦韆外綠水橋平東風裏朱  
門映柳低按小秦箏多情行樂處珠鈿翠蓋金轡

紅纓漸酒空醞醪花困蓬瀛豆蔻梢頭舊恨千年夢  
屈指堪驚凭欄久踈烟淡日微映百層城

南歌子

贈妓陶心兒

玉漏迢迢盡銀潢淡淡橫夢回宿酒未全醒已被鄰  
雞催起怕天明臂上粧猶在襟間淚尚盈水邊燈  
火漸人行天外一鈎殘月帶三星

金明池

春遊



5  
6

詞譜

詞譜

瓊苑金池青門紫陌似雪楊花滿路雲日淡天低晝  
永過三點兩點細雨好花枝半出牆頭似悵望芳草  
王孫何處更水遠人家橋當門巷燕燕鸞鸞飛舞  
怎得東君長為主把綠鬢朱顏一時留住佳人唱金  
衣莫惜才子倒玉山休訴况春來倍覺傷心念故國  
情多新年愁苦縱寶馬嘶風紅塵拂面也則尋芳歸  
去

詩餘終



